

王國維著

王國維先生全集

續編

(七)

台灣大通書局印行

王國維著

王國維先生全集

續編

(七)

台灣大通書局印行

傳書堂藏
善本書志

王國維先生全集續編
第七冊
目錄

傳書堂藏善本書志

自序

二五九七

序

烏程蔣孟蘋學部落其藏書之室顏之曰傳書堂蓋其先德書箴先生書室之舊額也初道咸之間西吳藏書家數蔣氏書箴先生尊人子壘先生與季父季卿先生以兄弟相師友專攻小學兼精讎校大江以南精槧名鈔麈走其門子壘先生藏書之居曰儷羸館曰茹古精舍季卿先生之居曰求是齋皆有聲吳越間無何赭寇亂作兩先生挾其書走海門而季卿先生旋卒書之厄於水火盜賊者幾大半比子壘先生歿先生悉推家產於諸昆弟而獨取書籍二十篋

名其所居曰傳書之堂其風尚如此孟蘋卽先生長子也幼傳家學能別古書眞僞自官京師客海上其足迹率在南北大都會其聲氣好樂又足以奔走天下故南北故家若四明范氏錢唐汪氏泰州劉氏涇縣洪氏貴陽陳氏之藏流出者多歸之其於先世遺籍求之尤勤凡舊籍之有茹古精舍求是齋圖記者估人恆倍蓰其直以相要市孟蘋輒償之藏書家知孟蘋者間得蔣氏故書亦頗以相贈遺故孟蘋所得先世遺書雖經兵火轉徙之後尚不下百種然以視其所自蒐集者劣足當其百分之一顧取先人

舊額以傳書名其堂余謂爲子孫者如孟蘋始
可謂之能傳書矣余聞之百圍之木不生於堂
密尋丈之魚不產於潢汙西吳藏書蓋有端緒
自宋初沈東老父子始以收書知名南渡後葉
石林退居弁山復以藏書雄東南其後若齊齋
倪氏月河莫氏竹齋沈氏直齋陳氏隨齋程氏
草窗周氏藏書多者號十萬卷少者亦三四萬
卷視行都蔑如也有明一代若茅順甫之白華
樓沈以安之玩月樓姚翔卿之玩畫齋並有簿
錄猶有陳程諸氏遺風國朝自蠡舟董氏疏雨
劉氏芳茝嚴氏後尤不易更僕數而姚彥侍方

伯之咫進齋陸剛父觀察之皕宋樓實爲之殿
光緒之末陸氏書流出海外姚氏之藏亦歸京
師圖書館浙西文獻爲之俄空而孟蘋與其同
里張石銘觀察劉翰怡京卿崛起喪亂之際旁
蒐遠紹蔚爲大家海內言藏書者推南潯顧或
舉歐陽公語謂物聚於所好而得於有力之疆
然當世有力如三家者無慮百數而三家獨以
藏書名則豈不以石林直齋諸先哲之遺風所
被者遠其源流清濁之所處風化芳臭氣澤之
所及固與他郡殊歟一家之澤猶一鄉也若孟
蘋者生於藏書之鄉又生於藏書之家其於經

籍心好之而力赴之固非偶然是故書有存亡
惟此傳書之精神則歷千載而不亡石林直齋
之藏久爲煨燼而今有張劉諸家茹古精舍求
是齋之書十不存一而今有孟蘋然則蔣氏三
世之精神風尚雖傳之百世可也詩云貽厥孫
謀以燕翼子子庠書箴二先生以之又昭茲來
許繩其祖武孟蘋以之余旣登孟蘋之堂而覽
其書樂其蒐討之勤而又能道其先人之美也
故書而著之俾後世知所自焉壬戌六月王國
維序

周易兼義九卷音義一卷略例一卷

宋刊明脩本

國子祭酒上護軍曲阜縣開國子

臣孔穎達奉勅撰

自序

每半葉十行、六十八字、小二十四字、板心上記字數下記刻工姓名明脩

補之板甚多板心有正德十三年懷浙胡校運司蔡重校林重校

等字

周易鄭康成註一卷

元刊元印本

宋浚儀王應麟伯厚甫其奏輯

自序

跋 癸酉李真

此玉海附刊本元時舊裝即墨莊漫錄所謂新集本也

陽湖孟莖生森贈時甲寅春日同客都門

安定先生周易口義十二卷 鈔本

宋倪天隱述

卷三卷四卷五面葉均有楊州府儒學訓導丁德明錄一行

解義易卷傳十卷 鈔本

深父龔原撰

鄒浩序 嘉祐十二年

此書宋元豐後當用以取士与王介甫三經義並行王氏學廢此書亦微竹垞經義考云未見四庫亦未著錄阮文達始寫以進呈前有鄒道鄉序署嘉祐十二年攷嘉祐紀元止八年無十二年而序中述及深父之年則為徽宗時作矣又道鄉當哲

宗時為右正言有請以王安石之經義發題試舉人者浩論其不可而止而序中乃稱自熙甯以來凡學易者莫不以先生為宗師因以取上科躋顯位云云似亦非道鄉之言蓋出後人依托也有范陽盧氏文紹讀過何元錫印樓鳳軒諸印

了齋易說一卷 歸安陸氏傳鈔文瀾閣本

宋陳瓘撰

吾郡陸存齋先生心源於光緒十四年進呈家藏書籍一百四十餘種由浙江學政瞿鴻禨奏請發交國子監南學儲藏庚子之亂散失殆盡余於癸丑冬季見鈔本二十餘種於海王邨肆中以有闕吾郡文獻悉數購歸此其已面葉皆有國子監印光緒戊子湖州陸心源捐送國子監

之書匯藏兩學本記

讀易詳說十卷 歸安陸氏傳鈔 女淵閣本

宋李光撰

有國子監印前分巡廣東高廉道歸安陸心源捐送國子監書籍二印光緒少子湖州陸心源捐送國子監之書匯

藏兩學本記

漢上易傳十一卷 漢上先生履歷一卷 汲古閣景宋鈔本

宋翰林學士左朝奉大夫知制誥兼侍讀兼資善堂

善長林駉開國男食邑三百戶賜紫金魚袋宋震集傳

此本前無序文及進書表書前後題但書周易上經乾傳第一
一周易雜卦傳第十一等而版心則標漢上易傳卷一至卷十一

後附除官告詞及答詔此一篇胡文定公敝一篇要敦復等祭
文一篇前後題漢上先生履歷而版心仍標漢上易傳卷□蓋
此書之附錄通志堂所刊易傳十一卷依景宋本殆與此本同源
而改其行款其卦圖三卷業說一卷則依西亭王孫鈔本蓋
流傳宋本只此十一卷也此書著錄家皆稱漢上易傳然進書
表自稱周易集傳晁氏郡齋讀書志亦稱朱子發集傳蓋
集傳其所自題漢上易傳則卒後刊書者所題也書為毛氏景
宋鈔本每半葉十行每行二十一精雅絕倫三百年來未經名
人收藏識罕觀之秘籍矣卷首有宋本甲玉兩草堂三印五
卷前後有毛晉松印汲古主人二印

周易程朱先生傳義附錄二十卷

元刊本

宋後學天台董楷集

自序○自識

吳氏手跋云宋董正叔周易傳義附錄雖刊于通志堂經解中而舊本極為難得此乃元至正壬午批谿居敬堂刊本

乾隆癸卯冬日董裝并識

下有兔床印

每半葉十二行每行二十二字卷末有牌云元至正壬午批谿居敬堂刊行此書通志堂刊本與四庫本皆云十四卷此本則前為朱子易圖說次為周易上下經程朱先生傳義附錄十五卷次繫辭附錄上下兩卷次說卦序卦雜卦附錄三種篇葉自難少然亦自為起訛通為二十卷末附程子上下篇義朱子周易五贊並儀則用朱子周易本義例不入卷數也是因書目與

顧宋樓書目云二十卷是也傳是樓書目云十八卷蓋以
說卦至雜卦為一卷愛日精廬書目云十七卷則但計上下
經與繫辭傳不數說卦傳以下實則皆一書也拜經樓藏
書題跋記有此書跋與手跋有異同乃云此書十四卷蓋用
前人之說未檢本書卷數也有周春於霽居書樓客免
林拜經樓吳氏藏書新板鄉校小桐谿上人冢竹下州堂
諸印

直音傍訓周易句解十卷 景元鈔本

廬陵朱祖義子由

五半葉十二行二十三字此書諸家均未著錄經義考
有朱氏祖義周易句解十卷注云佚此鈔板心有安樂